

Вольбы  
до Европского парламенту  
на території Словацької республіки

## Інформації про волічя

### I

Датум і час реалізації волеб

Вольбы до Европского парламенту на території Словацької республіки будуть  
**в суботу 25. мая 2019 од 7:00 до 22:00 години.**

### II

Право волити

Право волити до Европского парламенту на території Словацької республіки має обчан Словацької республіки, котрий має місто стабілного бывання на території Словацької республіки а найпізніше в день волеб досяг вік 18 років, і обчан іншого членського штату Європської унії, котрий має місто стабілного бывання на території Словацької республіки і найпізніше в день волеб досяг вік 18 років.

Право волити до Европского парламенту на території Словацької республіки має ай обчан Словацької республіки, котрий не має місто стабілного бывання на території Словацької республіки ани на території іншого членського штату Європської унії, найпізніше в день волеб досяг вік 18 років а в день волеб ся стримує на території Словацької республіки.

Волити до Европского парламенту в тих істых вольбах мож лем в єднім членськім штаті Європської унії.

Право волити є в конфлікті зо законным окліщінём особной слободы на основі охраны публічного здравя.

### III

Право быти воленым

За посланця Європского парламенту може быти зволеный

- обчан Словацької республіки, котрий найпізніше в день волеб досяг вік 21 років і має місто стабілного бывання на території Словацької республіки,
- обчан іншого членського штату Європської унії, котрий найпізніше в день волеб досяг вік 21 років, не быв збавеный права быти воленым у членськім штаті Європської унії, котрого є штатным обчаном, і має місто стабілного бывання на території Словацької республіки.

Кандідовати за посланця Європского парламенту в тих істых вольбах мож лем в єднім членськім штаті Європской унії.

Право быти воленым є в конфлікті зо:

- заарештованём,
- правоплатным одсуджінём за напланованый кріміналный чін, покы одсуджіння не было загладжене,
- однятём способности робити правны дїла.

## IV

### Запис обчана іншого членського штату Європської унії до списку волічів

Обчана іншого членського штату Європської унії, котрий має місто стабілного бываня на території Словацької республіки, записує до списку волічів село, в котрім обчан іншого членського штату Європської унії має місто стабілного бываня, на основі єго жадости і выголошіня.

Жадость ведно з выголошінем мусить быти предложена найпізніше 40 днів перед днём волеб (найпізніше до 15. априля 2019), інакше право быти записаным до списку волічів зникать.

Воліч, котрий у звязи з вольбами до Європского парламенту пожадать записати го до списку волічів в іншім членським штаті Європской унії а сучасно пожадать записати го до списку волічів в Словацькій республіці, допустить ся переступліня, за котре буде покутованый сумов 100 евро.

## V

### Легітімація на голосування

Воліч, котрий стабільно бывать на території Словацької республіки і в день волеб не буде мочі волити в місті свого стабілного бываня у волебнім раёні, де є записаний до списку волічів, може пожадати од **села свого стабілного бываня** легітімацію на голосування. Село на пожаданя выставить волічови легітімацію на голосування і вычаркне го із списку волічів з позначков, же му выдало легітімацію на голосування.

Легітімація на голосування дає право на записаня до списку волічів в будькотрім волебнім раёні.

Воліч може пожадати легітімацію на голосування особно,

найпізніше в послідній робітний день перед днём волеб (т. є. найпізніше 24. 5. 2019) в урядных годинах села/міста. Село выдасть легітімацію на голосування безодкладно, у формі листини так,

жебы жадость о выданя легітімації на голосування была доручена селу/місту найпізніше 15 робітних днів перед днём волеб (т. є. найпізніше 03. 05. 2019),

електронічнов формов (і-мейлом) так,

жебы жадость о выданя легітімації на голосування была доручена селу найпізніше 15 робітных днів перед днём волеб (т. є. найпізніше 03. 05. 2019). Село про такы припады опублікує на своїм вебсайті електронічну адресу на посыланя жадостей. Кедь село не має свій вебсайт, опублікує електронічну адресу на посыланя жадостей на урядній таблі села.

В жадости мусять быти уведжены такы інформації о волічови

- мено і прізвіско,
- родне чісло, кедъ іде о обчана іншого членського штату Європской унії, котрий жыє на території Словацької республіки, датум народжіння, покы не має приділене родне чісло,
- штатне обчанство,
- адреса стабілного бываня (село, уліця, чісло дому),
- корешпонденчна адреса, на которую село зажене легітімацію на голосування.

посередництвом особи уповномоченой жадателем

мож пожадати легітімацію на голосування найпізніше в послідній день перед днём волеб (т. є. 24. 05. 2019).

В жадости мусять быти уведжены такы інформації о волічови

- мено і прізвіско,
- родне чісло, кедъ іде о обчана іншого членського штату Європской унії, котрий має місто стабілного бываня на території Словацької республіки, датум народжіння, покы не має приділене родне чісло,
- штатне обчанство,
- адреса стабілного бываня (село, уліця, чісло дому),

Село зажене легітімацію на голосованя волічови на адресу ёго стабілного бываня, кедъ в жадости не уведе іншу корешпонденчу адресу, найпізнїше до трёх робітных днів од доручіння жадости. Село зажене легітімацію на голосованя на адресу уведжену в жадости рекомандо-писом „*До властных рук*“.

Кедъ воліч в писомній жадости або електронічній жадости уведе, же легітімацію на голосованя перебере інша особа, мусить в жадости увести єй мено, призвіско і чісло обчаньской легітімації. Тота особа повинна перевзята легітімації на голосованя потвердити своїм підписом.

Воліч, котрому была выдана легітімація на голосованя, може волити ай у волебній містности подля міста свого стабілного бываня, але лем з легітімацієв на голосованя.

Легітімація на голосованя є платна лем з обчаньсков легітімацієв або з легітімацієв на перебываня обчана Европской унії.

## VI Способ голосованя

Воліч може волити на теріторії Словацькой републікы

- у волебнім раёні, де є записаный до списку волічів, або
- в будькотрім волебнім раёні посередництвом легітімації на голосованя, або
- на основі словацького паспорта, кедъ ёго місто стабілного бываня не є на теріторії Словацькой републікы ани на теріторії іншого членъского штату Европской унії.

Воліч повинный по приходї до волебной містности превказати раённій волебній комісії свою тотожность обчаньсков легітімацієв або легітімацієв на перебываня обчана Европской унії. Кедъ была волічови на ёго жадость выдана легітімація на голосованя, предложить ведно з обчаньсков легітімацієв або легітімацієв на перебываня обчана Европской унії легітімацію на голосованя, которую му раённа волебна комісія одобере. Потім раённа волебна комісія закружкує порядкове чісло воліча в списку волічів і выдасть волічови листы на голосованя і порожню копертку з уряднов печатков села.

Воліч, котрый не має місто стабілного бываня на теріторії Словацькой републікы ани на теріторії іншого членъского штату Европской унії і пришов у день волеб до волебной містности, превкаже свою тотожность словацькым паспортом і сучасно раённій волебній комісії предложить честне выголосіння о містї стабілного бываня в загранічу, котрого взор опублікує Міністерство внутра Словацькой републікы на своїм вебсайті. Раённа волебна комісія такого воліча допишє до списку волічів, што зазначіть в ёго словацькім паспорті, і честне выголосіння о містї стабілного бываня в загранічу припойть к списку волічів. Потім раённа волебна комісія выдасть волічови листы на голосованя і порожнюю копертку з уряднов печатков села.

**Перевзята листів на голосованя і копертки потвердить воліч у списку волічів властноручним підписом.**

Каждый воліч повинный перед голосованем одобрati ся до выділеной части містности, в котрій може управити листы на голосованя. Волічови, котрый не вступить до того простору, раённа волебна комісія не доволить голосовати.

У выділеній части містности, в котрій мож управити листы на голосованя, вложить воліч єден з листів на голосованя без далшой управы до копертки, **або** на єднім з листів на голосованя вызначіть одовзданя преференчного голосу закружкованем порядкового чісла найвеце двух кандідатів. Наслідно вложить лист на голосованя до копертки а потім до волебной урны.

На пожаданя воліча му раённа волебна комісія выдасть за некоректно управлены листы на голосованя другы. Некоректно управлены листы на голосованя воліч вложить до ладічки на одложіння несхоснованых або некоректно управленых листів на голосованя.

Воліч, котрый сам не може управити лист на голосованя із здравотных прічин або зато, же не може читати або писати, а перед голосованем поінформує о тім факті раённу волебну комісію, має право взяти із собов до выділеной части містности, в котрій мож управити листы на голосованя, іншу способну особу, жебы подля ёго інштрукцій і закона управила лист на голосованя і вложыла го до коперткы; таков особов не може быти член раённой волебной комісії. Обидві особы перед вступом до выділеной части містности, в котрій мож управити листы на голосованя, член раённой волебной комісії поучіть о способі голосованя і о кріміналнім скутку в припадї нарушования приправы волеб і волебного процесу.

Воліч, котрый не може із здравотных прічин сам вложыти копертку до волебной урны, може пожадати, жебы копертку до волебной урны за ёго участі вложыла інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічин, має право пожадати село а в день волеб раённу волебну комісію одголосовати до переносной волебной урны, а то лем на теріторії волебного раёну, про котрый была раённа волебна комісія створена.

Воліч повинный одложыти несхоснованы або некоректно управлены листы на голосованя до запечатованой ладічки на одложіня несхоснованых або некоректно управленых листів на голосованя. Кедъ так не зробить, допустить ся перестуліня, за котре буде покутованый сумов 33 евро. В припадї голосованя мімо волебной містности, воліч несхоснованы або некоректно управлены листы на голосованя зніщіть перед членами раённой волебной комісії.

\*\*\*

Далшы інформації о вольбах до Европского парламенту суть опублікованы на вебсайті  
<http://www.minv.sk/?volby-ep>